
OFFERYNNAU STATUDOL CYMRU

2001 No. 1424

**Rheoliadau Cyngor Addysgu Cyffredinol
Cymru (Swyddogaethau Disgyblu) 2001**

RHAN II

SWYDDOGAETHAU DISGYBLU Y CYNGOR

Gofyniad bod gwrandawiadau'n cael eu cynnal yn gyhoeddus

14.—(1) Rhaid i Bwyllgor gyhoeddi eu dyfarniad ar ganlyniad pob gwrandawriad yn gyhoeddus ac yn ddarostyngedig i baragraffau (2) a (3) rhaid cynnal holl wrandawiadau Pwyllgor yn gyhoeddus.

(2) Caiff Pwyllgor ystyried yn breifat ar unrhyw adeg ac at unrhyw ddiben yn ystod gwrandawriad neu ar ei ôl.

(3) Caiff Pwyllgor wahardd y cyhoedd o wrandawriad neu o unrhyw ran o wrandawriad—

- (a) os yw'n ymddangos iddynt ei bod yn angenrheidiol gwahardd y cyhoedd er lles cyfiawnder;
- (b) os yw'r athro neu'r athrawes gofrestredig y mae'r achos yn cael ei ddwyn yn eu herbyn yn gwneud cais ysgrifenedig i'r gwrandawriad gael ei gynnal yn breifat ac nad yw'r Pwyllgor o'r farn bod cynnal y gwrandawriad yn breifat yn groes i les y cyhoedd; neu
- (c) os yw'n angenrheidiol er mwyn diogelu lles plant.